

Durante reunion na luna di Augustus Aruba ta bira miembro di International Police Organization

ORANJESTAD(AAN)-- Na luan di Augustus lo tene un reunion pa miembronan di International Police Organization. E reunion di e organisacion pa miembronan di Cuerponan Policial, lo worde teni na Rotterdam, Hulanda.

Cuerpo di Polis di Aruba, cu kier afilia nan mes na e organisacion, no mester resorta bao Antillas mas.

Pa e ocasion aki lo ta presente na Rotterdam, señores Hugo Kock y Ivan Kelie.

IPA ta un organisacion cu tin como obhetivo pa mantene un amistad fraternal entre miembronan rond mundo. E

ta conta cu mas di 200 Mil miembro. E miembronan na tur pais cu nan ta bishita, por conta cu guia y acogida di

parti di e miembronan di e pais cu ta worde bishita.

Tambe nan por conta cu casnan especial, caminda nan

por baha. Lo ta e intencion pa Aruba tambe bay ofrece e mes servicio na miembronan di otro paisnan.

Tawa Irausquin ta keda Director Conseho di Comisaronan di Air Aruba

ORANJESTAD(AAN)-- Durante un reunion extraordinario di accionistanan nobo di Air Aruba dia 29 di April, a dicidi di forma e siguiente constelacion pa e Conseho nobo di Comisaronan di e

compania anonimo.

Como Presidente a keda nombra, Ebby Arends, y como demas miembronan Ruben Mansur, Eduardo de Veer y Air Holland N.V.

Gobierno proximamente lo

presenta su candidato pa e Conseho di Comisaronan.

Durante e reunion en cuestion a keda dicidi tambe di mantene Tawa Irausquin como unico director di e compania cu a pasa pa man priva.

Caretera ta worde cera na Noord

ORANJESTAD(AAN)-- For di awe lo cera e carretera na Noord for di Sunset Villas te cu L.G. Smith Boulevard.

E carretera aki ta topa cu e nobo cu ta worde construi. E lo keda cera pa mas o menos tres siman.



Ayer mainta tabata di bishita cerca Ministro di Transporte y Comunicacion, mr. Angel R. Bermudez, Srs. Hutchinson, Bishop y Radzevicius di Transport Canada, acompaña pa sr. Michael Nicolaas, director di Aeropuerto y Sr. Bill Carson, director di Caribbean Mercantile Bank. Transport Canada ta e departamento Canadense cu ta encarga cu politica di aviacion y cu ta explota tambe diferente aeroportonan na Canada. Nan a haci un bishita di cortesia na Aruba, ariba invitacion di sr. Nicolaas y cu intermediacion di Sr. Carson y nan a intercambia di idea y experiencia encunto e desaroyonan cu ta tumando lugar na e aeropuerto internacional. Na Canada diferente aeropuerto internacional conoce e sistema di pre-inspeccion y pre-customs Americano. Gobierno kier extende e servicio di pre-inspeccion cu pre-customs di aduana Americano. E funcionarionan di Transport Canada a ofrece nan expertisio pa e cambianon cu lo mester bini na e aropuerto y den futuro cercano nan lo por bay asisti y conseha e funcionarionan di aeropuerto pa asina e desaroyonan y cambianan por tuma lugar mas adecuado cu ta posibel.

SPECIAL for
MOTHER'S DAY

200/0 Rebajo ariba
JOYAS 14kt. y HOLOSHI pa Damas !

Tambe den nos departamento
pa Damas:

200/0 di Descuento
Na:


new amsterdam store
No. 1 y No. 2
den Nassastraat

OFERTA SPECIAL

PROBECHA, e oferta aki ta pa un tempo limita!



Busca bo pakinan di
DURACELL
ku sticker korra ku
DURACELL
na prijsnan special



Agente: ODUBER AGENCIES N.V., Beatrixstraat 48, Telephone: 25333